



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 313. Usque Ad Annum 361

Fleury, Claude

August. Vind. [u.a.], 1758

VD18 90117778

§. 17. Concilium Seleuciense clauditur.

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)

Sæculum IV. bant, quia in ea de abolenda voce sub-
 A. C. 359. stantia consenserant. Ad hoc Eleusius
 Sozom. IV. Cyzicenus respondit: *Si Basilius, aut*
 22. *Marcus privato errore ducuntur, aut*
ab Acacianis in Doctrina discrepant, ni-
hil hæc ad Concilium pertinent, atque,
num eorum fides recta sit, an perversa,
nihil interest. Illam sequamur! quam
nobis Episcopi Antiochiæ, ipsis anti-
quiores, tradiderunt; quisquis aliud do-
cet, extra Ecclesiam esto. Hæc dicen-
tis oratio a suis fautoribus, nempe Semi-
Arianis, applaudentibus excepta.

§. XVII.

Concilium Seleuciense clauditur.

Socr. II. c. 40 Cum finis litigandi non esset, Leonas,
 surgens, conventum solvit. Hic
 fuit Concilii Seleuciensis exitus. Quip-
 pe altera die Acaciani comparere nolue-
 runt; Leonas, ut veniret, invitatus re-
 cusavit, dicens; mandatum sibi ab Impe-
 ratore, ut Coetui interesset, in quo con-
 cordia regnaret, at inter litigantes nolle
 se diutius morari. *Ite ergo vos, inque-*
bat; & in Ecclesia, quantum libuerit,
garrite! qui ad eum a Concilio missi
 fuerant, in ejus domo Acacianos con-
 versantes invenerunt, patuitque eum illi
 parti plus justo favere, atque in Acacia-
 norum gratiam Concilium abruptisse.
 Ex

Ex illo etiam tempore Acaciani quasi Vi-
ctores triumphum canebant. Sæpius ab
aliis Episcopis revocati, redire in Con-
cilium noluerunt, sed jam ut Semi-Ariani
in domo Leonæ per delegatos compare-
rent, petebant, jam Imperium Cæsaris
sibi esse affirmabant, ut ipsi de aliorum
fide judicarent. Ergo nec in unam fi-
dem consentire, nec ad accusationes,
contra se allatas, respondere, nec etiam
causam S. Cyrilli Jerosolymitani a se ipsis
depositi discutere volebant; nec aderat,
qui nolentes cogere posset.

Tandem post multas citationes, & di-
lationes, qui in Concilio remanserant,
sententiam depositionis pronuntiarunt
contra Acacium Cæsariensem, Georgium
Alexandrinum, Uranium Tyriensem,
Theodulum Cheretapensem in Phrygia,
Theodosium Philadelphium in Lydia, E-
vagrium Mitylenensem, Leontium Tri-
politanum in Lydia, Eudoxium Antio-
chenum, Patrophilum Scythopolitanum;
Hi Episcopi omnes depositi. Sequentes
autem Communione privati, id est, cum
sua tantum Ecclesia communicare iussi,
Asterius, Eusebius, Abgarus, Basilicus,
Phebus, Fidelis, Eutychius, Magnus, &
Eustathius; circa hos decretum, ut in
eo statu manerent, donec se a crimini-
bus, quibus accusabantur, purgarent.

S. Cyrillum in Cathedram Jerosolymita-

Sæculum IV.
A. C. 359.

*Basil. cont.
Eun. Athan.
de Synod.
p. 881.*

Sæculum IV.
A. C. 359. nam restituerunt, & loco Eudoxii Anianum ejusdem Ecclesiæ Presbyterum pro Sede Antiochena ordinarunt, qui statim cura Neonæ Episcopi Seleuciensis consecratus est.

His factis, Ecclesias, quorum Episcopos deposuerant, quid actum sit, per Epistolas certiores reddidere. Anianus pro Sede Antiochena ordinatus ad eam nunquam pervenit, nam Acaciani comprehensum Leonæ, & Lauricio tradiderunt, qui militibus ad custodiam datum, deinde ad exilium damnarunt. Id factum fuisse Episcopi, qui elegerant, data ad Leonam, & Lauricium protestatione contra Acacianos conquesti, cum nihil proficerent, domum remearunt. Sed nec alia Decreta ad effectum deducta. Episcopi depositi non paruerunt, non nulli in Ecclesias suas reversi sunt, quos inter Patrophilus Scythopolitanus, & Georgius Alexandrinus; alii Constantinopolim ad Imperatorem se contulerunt, Adversarios accusaturi; illuc Acacius secum Eudoxium, cujus indolem naturatimidam excitabat, abduxit.

§. XVIII.

S. Athanasi Tractatus de Synodis.

v. Hermant. vit. S. Atha. VIII. 27. **Q**uamprimum S. Athanasius in sua solitudine, quæ Seleuciæ usque ad finem